

فيديو ٤٠٠١ من مقاطع حظر التجول تدبر سورة التوبه - الحلقة

٧٢ الآيات ٥٠١ - ١١

فاضل سليمان

يفقهوا قولى السلام عليكم ورحمة الله وبركاته. اهلا بحضراتكم في المقطع رقم الف واربعة من مقاطع حظر التجول وفي الحلقة السابعة والعشرون من حلقات تدبر سورة التوبه ارجو من حضراتكم تجبيوا المصاحف وتفتحوها معي واقرا معي الآية مية وخمسة -

00:00:00

اعوذ بالله السميع العليم من الشيطان الرجيم وقل اعملوا فسيرى الله عملكم ورسوله والمؤمنون وستردون الى عالم الغيب والشهادة فينبئكم بما كنتم انتم تعملون وقل اعملوا واو العطف تاني من اول الآية في اول الآية واو عطف يبقى لازم نرجع نشوف السياق. الآية

اللي قبلها كانت بتقول ايه - 00:00:35

الآية مية واربعة الم يعلموا ان الله هو يقبل التوبه عن عباده ويأخذ الصدقات وان الله هو التواب الرحيم وقل اعملوا. فسيرى الله عملكم ورسوله والمؤمنون. اذا الآية اربعة الآية مية واربعة - 00:01:15

كانت بشرى لهم ان الله سبحانه وتعالى آيا يقبل التوبه ويغفر الذنوب لكن التوبه اه تجب الذنوب الماضية اما بالنسبة للمستقبل فلا لازم للتألب يبدأ يعمل العمل الصالح بقى يبقى التوبه بتفتح صفحة جديدة وبتحول السيئات الى حسنات. حلو بشرط العمل الصالح الجاد - 00:01:38

عشان كده لازم الانسان يقول لك ايه الذين تابوا واصلحوا. لازم الواحد يصلح نفسه ما حدش يتتكل على انه تاب فيرجع يتکاسل في الصلاة ويتكاسل في الزكاة ويتكاسل في الخروج في - 00:02:10

جهاد الظالمين لأن كده هو بيبوز التوبه اصلا بتاعتته. لابد ان حالة التوبه يتبعها صلاح الحال. يبقى ايه وقل اعملوا اللي جاي عمل بقى وقل اعملوا فسيرى الله عملكم. ربنا سيرى عملكم الصالح. هو ربنا يرى - 00:02:26

ليه بنقول سيرى عشان احنا بنتكلم عن عمل لسه هيتعمل لسه ما اتعلمش فسيرى الله عملكم اللي هتعملوه. صالح ولا طالعها ورسوله النبي يقوم بدور الحكومة السلطة التنفيذية اللي بتاخذ الزكوات وتوزعها وعلى الفقراء وتعاقب المجرمين وتقيم الحدود. اه - 00:02:50

والمؤمنون هناك رقابة شعبية فإذا المؤمنين شافوا ان التائب رجع الى ارتكاب الجريمة مرة اخرى يجب بسرعة يبلغوا السلطة التنفيذية عشان تاخذ اجراءات والمسألة دي موجودة في العديد من المواقع في القرآن الكريم بس احنا مش واحدين بالنا منها - 00:03:13

مسلا في سورة النور. يا رب اكون حاططها لكم هنا مش هتقدر. طيب. في سورة النور ربنا بيقول ايه ؟ الزانية والزاني فاجلدوا كل واحد منها مائة جلدة ولا تأخذكم بهما رأفة في دين الله ان كنتم - 00:03:36

تؤمنون بالله واليوم الآخر وليشهد عذابهما طائفه من المؤمنين. يعني عند توقيع العقوبات التنفيذ العقوبات يجب ان يتم تنفيذ العقوبة تحت اشراف ممثلين لطوائف المجتمع وليشهد عذابهما طائفه من المؤمنين. يبقى فيه طائفه واحد بقى من الهيئة القضائية وواحد من الشرطة واحد من وهكذا. بيقوموا بيایه - 00:03:57

بالتأكد من ان الحكم بينفذ شرع الله بالعدل وبالقسط على الناس كلها. مش عشان ابن المليونير الفلاني هو اللي هيتنفذ فيه الحكم

يتاخد في اوضة صغيرة جوة كده ويضرب ميت ضربة - 00:04:26
صغنين كده لأن فيه اشراف في عملية رقابة شعبية مش نبقي زي اهل الكتاب اللي كان اذا سرق فيهم الشريف تركوه. اذا سرق فيهم الضعف اقاموا عليه الحد. هتقول له ازاي يسرق الشريف؟ الشريف يعني - 00:04:43

في راجل آآ يعني من من اشراف المجتمع من من الناس اللي عندهم آآ مكانة في المجتمع مش معناها شريف يعني يعني ما بيسرقش لأن طيب شريف بلغتنا النهاردة ابن ناس. واحد ابن ناس. يعني ابن ناس أغنية. طيب. الفساد هو ان الناس لا - 00:04:59

تعامل بمساواة امام القانون والشرع دي حاجات بقى اخدوها من الاسلام المجتمعات الغربية او انهم وصلوا لها بعد قرون من التجارب والتفكير والفشل والنجاح. توصلوا ان افضل طريقة لتحقيق العدالة. هو ان - 00:05:20

حكم لما يتنفذ يكون فيه آآ حضور شهود ممثلين لطوائف المجتمع. مسلا حكم الاعدام اللي هو ما زال بينفذ في كثير من ولايات امريكا. يعني مش كل ولايات امريكا لغت حكم الاعدام - 00:05:40

لما بينفذ بينفذ امام ممثل من الهيئة القضائية. وممثلين من الشرطة. وممثلين من النيابة. وممثلين من المحلفين اللي هي المحلفين وهم شاركوا في اصدار الحكم. آآ ممثلين من جمعيات حقوق الانسان. اهل القتيل منهم مجموعة بيحضروا عشان - 00:05:56
تأكدوا انه فيه رقابة بتم على الحاكم وقل اعملوا فسيرى الله عملكم ورسوله والمؤمنون. وستردون الى عالم الغيب والشهادة فينبئكم بما كنتم تعملون. لو خدعتم البشر مش هتقدرؤا تخدعوا الخالق لأن هو عالم الغيب والشهادة - 00:06:16

الغيب والشهادة بتوعكم دول ده بالنسبة لكم انتم غيب وشهادة بالنسبة لله. ما فيش حاجة اسمها غيب كله زي بعضه. والغيب زي الشهادة كله معلوم غائب بالنسبة لك انت وشهادة بالنسبة لك انت - 00:06:44

سينبئكم بالعمل الصالح اللي عملتوه قدام الناس كانت نيتكم فيه صالحة ولا لأن؟ دي حاجة بقى لا يدركها ولا الرسول عليه الصلة والسلام نفسه لكن مش مطلع على القلوب الا الله - 00:06:57

طبعاً ولا المؤمنين. اذا وقل اعملوا خلاص انتم توبتم؟ عايزين من هنا ورايح نصلح بقى نعمل لأن الله سبحانه وتعالى سيري عملكم اللي بتعلمه ورسوله سيري عملكم ايضاً. في الوقت ده طبعاً الرسول هنا بيقوم بدور الحكومة قلنا السلطة التنفيذية. والمؤمنون - 00:07:13

رقابة شعبية تمام وبعد كده بقى لو قدرتوا تدحوكوا على الحكومة قدرتوا تصحوكوا على المؤمنين وستردون الى عالم الغيب والشهادة. هيحاسبكم وينبئكم بما كنتم تعملون كل حاجة عملتوها. وكمان نيتكم كانت ايه؟ ما حدش كان مطلع علي غيره - 00:07:36
مية وستة معي واخرون مرجون لامر الله اما يعذبهم واما يتوب عليهم. والله عليم حكيم معطوفة على ايه دي بقى؟ واخرون مرجون. اه بص الانواع الاخيرة اللي ذكرت في السورة. هتجد مسلا - 00:07:55

في الآية مية وواحد ربنا بيقول ومنن حولكم من الاعراب منافقون ومن اهل المدينة مرضوا على النفاق. ادي نوع من انواع الآية الناس اللي ذكرت وبعدين الآية اللي بعدها واخرون اعترفوا بذنبهم خلطوا عملاً صالحاً واخر سيئاً. هم. يبقى فيه منافقين - 00:08:17

من الاعراب ومن اهل المدينة وفي ناس بيخلطوا العمل الصالح بالعمل السيء. مين كمان الآية دي مية وستة واخرون مرجون لامر الله مما يعذبهم واما يتوب عليهم والله عليم حكيم - 00:08:47

وناس تانيين لم يخرجوا مع الرسول عليه الصلة والسلام في غزوة تبوك لكن متاجل البيت في امرهم دلوقتني. مرجونا لامر الله. منتزرین امر الله فيهم مما يعذبهم واما يتوب عليهم. ما نعرفش الله اعلم لسه - 00:09:03

والله عليم حكيم. لأن بعد الرجوع للمدينة بدأت عملية تربية اخذت وقت طويل حوالي خمسين يوم لثلاثة هم هلال ابن امية مرارة ابن الربيع وكعب ابن مالك تربية خمسين يوم دي هيبي فيها بعد يومين الحلقة تلاتين - 00:09:23

حلقة طويلة شوية لكنها ه تكون ان شاء الله يعني من من اكتر الحلقات فائدة وحلقة جميلة جداً هنشرح فيها الآية اللي نزلت فيهم اللي هي الآية مية وتمتنعاشر. اللي بتقول - 00:09:50

وعلى الثالثة الذين خلفوا حتى اذا ضاقت عليهم الارض بما رحبت وضاقت عليهم ان انفسهم وظنوا ان لا ملجاً من الله الا اليه. ثم تاب عليهم ليتوبوا. ان الله اهو التواب الرحيم. قصتهم من اروع ما يمكن ان تقرأ - 00:10:07

من اروع ما يمكن لكن القرآن عمل تشويق للقصة بتأثثهم دي مع ان الاية جاية بعد اتناشر اية لسة عمل لها تشويق بالالية مية وستة وقال لنا ايه واخرون مرجون لامر الله. اما يعذبهم - 00:10:33

واما يتوب عليهم والله عليم حكيم. فاحنا هنمشي مع الترتيب بتاع القرآن. وهنؤجل قصتهم احنا كمان لغاية وقتها وان شاء الله هتكون في الحلقة تلاتين انانا يعني آآ جهزتها امبراح - 00:10:54

اقرا بقى معي الاربع ايات من مية وسبعة الى مية وعشرة بقى نوع كمان بقى نوع بقى غريب اوبي دلوقتي اقرأ معي من الاية مية وسبعة والذين اتخذوا مسجدا ضرارا وكفرا وتفريقا بين المؤمنين. وارصادا لمن حارب الله ورسوله - 00:11:12

من قبل ولا يحلن ان اردنا آآ الحسنى. والله يشهد انهم لكانذبون. لا كن فيه ابدا المسجد اسس على التقوى من اول يوم احق ان تقوم فيه. فيه رجال يحبون ان يتظاهروا - 00:11:38

والله يحب المطهرين افمن اسس بنيانه على تقوى من الله على تقوى من من الله ورضوان خير ام من اسس بنيانه على شفا جرف هار فانهار به في نار جهنم - 00:12:01

والله لا يهدى القوم الظالمين لا يزال بنيانهم الذي بنوا ريبة في قلوبهم لا يزال بنيانهم الذي بنوا ريبة في قلوبهم الا ان تقطع قلوبهم والله عليم حكيم قبل الهجرة - 00:12:21

كان في واحد متحنف اتكلمنا عنه قبل كده اللي هو ابو حنظلة. آآ متحنف يعني على الملة الحنيفية او على ملة ابراهيم يقال كان متنصر في الآخر كمان اسمه ابو عامر الراهب - 00:12:45

واللي خلاهم يقولوا انه متنصل عشان اسمه الراهب يعني المهم ابو عامر الراهب ده اول ما النبي عليه الصلاة والسلام وصل المدينة مم ده آآ هذا الرجل عاد النبي علينا وحسدا وحدقا. وقال للنبي عليه الصلاة والسلام لا اجد قوما يقاتلك الا قاتلتكم معهم - 00:13:01 وخرج من آآ المدينة واقام في مكة وجه معهم حارب في احد. وجه معهم ومن الناس الاساسية في تحزيب الاحزاب في غزوة الخندق. ولما فتحت مكة هرب من من مكة واقام في الطائف. وبعد حنين وفتح الطائف هرب على الشام. واقام عند الروم. اقام عند ملك الغساسة - 00:13:25

هنا يعني بيقيم في الدولة الرومانية خلاص وهناك بدأ يؤسس خلية من منافقي المدينة يبقوا تبعه. ما هو فيه خلايا فيه خلايا تبع آآ عبدالله بن ابي بن سلول وفي خلية هو كان بيسأسها تبعه هو بقى - 00:13:50

وقال لهم ابناوا لي مكان آآ يبقى مسجد وفي نفس الوقت يبقى غرفة عمليات للانقلاب على محمد صلى الله عليه وسلم. ما قالش ببنوا في المنطقة بتاعة مسجد قباء اللي هي منطقة العوالى. منطقة المفروض انها خارج المدينة في الوقت ده دلوقتي طبعا بقت جوة المدينة. ببنوا - 00:14:10

بحوار مسجد قباء او في المنطقة دي مسجد اخر الكلام ده قبل الخروج الى تبوك ودعوا النبي عليه الصلاة والسلام يقص الشريط. يعني يعني يفتح المسجد بقى ويروح يصلى فيه. وبحيث يعطوا شرعية لهذا المسجد - 00:14:33

وتعتبر موافقة من النبي عليه الصلاة والسلام على ان الناس تروح تصلي في المسجد ده وقالوا للرسول عليه الصلاة والسلام عملنا مسجد في العوالى اللي هي المنطقة اللي زي ما قلت لكم كده خارج المدينة عشان الليلة المطيرة لو الدنيا فيها مطر وعشان اللي تعبان ومش قادر يمشي لغاية المدينة عشان يصلى معك بقى هناك في المسجد النبوى - 00:14:53

وكده. طبعا العوالى دي النهاردة هي من احياء المدينة. يعني بقت خلاص جنب المسجد النبوى على طول. نخلی بالكم المدينة القديمة وقت النبي عليه الصلاة والسلام هي النهاردة المسجد النبوى كله. يعني مساحة المسجد النبوى النهاردة ده كله هي دي كانت مساحة المدينة زمان - 00:15:16

المسجد طبعا النبوى بيتوسع بشكل رهيب. انا قعدت في فندق من ثلاثة وتلاتين سنة الف تسعمية وتسعين النهاردة الفندق ده

داخل المسجد يعني الارض اللي عليه بقت داخل المسجد النبوى - 00:15:37

المهم بنو المنافقين هذا المسجد والنبي عليه الصلاة والسلام كان خلاص خارج الى تبوك فقال لهم ايه اجلوا موضوع ان انا اجي اصلی عندكم ده. لما ارجع بقى ان شاء الله. وهو في طريق العودة اخبره الله بامر هذا المسجد. ان ده مسجد - 00:15:51

طارق او عى تروح تصلي فيه. فالنبي عليه الصلاة والسلام لما رجع ارسل آآ ثلاثة اربعة من الصحابة منهم وحشى اه اللي هو قتل حمزة في سيدنا حمزة في احد وبعد كده تاب طبعا واسلم. ارسله وارسل معه اه ثلاثة من الصحابة وامرهم يهدموها - 00:16:07

هذا البناء ويحرقوه. يعني يحرقوا عمدانه والاسقف بتاعته كانت ترامب. العمدان والاسقف من الجريد والخشب. فيحرقوه كمان فربنا بيقول والذين اتخذوا مسجدا ضرارا تخيلوا واحد بيبني مسجد ويدخل النار بسبب بناؤه للمسجد ده - 00:16:26

اهو ده بالزيط اللي حصل لهذه الدرجة النية تفرق في العمل. مش معنى ان واحد بنى مسجد ان هيدخله الجنة. ده ممكن يدخل النار بسبب بناؤه للمسجد ده بناء للاضرار بالمسلمين والذين اتخاذوا مسجدا ضرارا وكفرا وتفريقا بين المؤمنين - 00:16:48

يعني كفرا هنا يعني زيادة في النفاق على نفاقهم كمان والكفر آآ اللي هو ما هو المنافق كافر. من نفاقهم كفر فوق كفر راحوا بانيين مسجد عشان يفرقوا به بين - 00:17:11

مؤمنين وارصادا لمن حارب الله ورسوله من قبل. ارصادا يعني انتظارا ترسدا منترين. مين بقى القائد الهمام ابو عامر الفاسق قائد الانقلاب الفاشل منتزرينه عشان يكون هذا المسجد مقر القيادة - 00:17:29

وغرفة العمليات بتاعته. لأن هو قال لهم انا جاي في جيش عرمم من عند آآ الغساسنة. ولا جه ولا عمل حاجة المنافقين دايما بيفرقوا بعض وبيفرقوا الناس معهم زي فاكيرين انتم في سورة الحشر لما آآ عبدالله بن ابي بن سلول قال لبني النضير اوعوا تصالحوا محمد ده احنا جايين في الفين رجال من وراه - 00:17:50

عاملين ولا جم ولا بتاع وضيعوا بني النضير المهم ولا يحلفن ان اردنا الا الحسنى. والله يشهد انهم لكاذبون. اللي بنوا المسجد ده هيحلفو انك كان قصدتهم خير فربنا بيقول عليه الصلاة والسلام ان المسجد ده مسجد ضرار وبنوه كفرا وتفريقا بين المؤمنين وارصادا لمن حارب الله ورسوله من قبل - 00:18:14

قبل اللواء اسمه ايه ده ؟ ابو عامر الفاسق وقال للنبي انهم هيحلفو لك ما تصدقش ويعيطوا ويبكون دموع تماسيح ولا يحلفن ان اردنا الا الحسنى كان قصدنا خير في ناس مش قادرة تروح تصلي فما بتصليش فبنينا لهم مسجد جنبهم. هم. والمسلم بقى لما يقسم بنصدهه. بس ربنا نفسه - 00:18:40

يشهد انهم لكاذبون والله يشهد انهم لكاذبون. انا حرف توكيid. واللام لام القسم لكاذبون بقى توكيid على توكيid. توكيid مضاعف. الله يشهد ما فيش توكيid اكتر من كده كمان بيقى ثلاثة توكيid في الجملة الصغيرة دي والله يشهد ده حاجة مؤكدة ان تأكيد انه - 00:19:08

لكاذبون هيحلفو بس خلي بالك قالوا للحرامي احلف قال جالك الفرج فمش كل واحد يقسم يعني هنصدقه اه في احكام متربطة على ما حد يقسم لكن ده مش معناه انه مية في المية صادق ابدا - 00:19:39

مكانخدعواش. الصورة دي بتوري المسلمين انهم يخلصوا من الدروشة اللي عندهم شوية يخلصوا من الدروشة اللي عندهم. طيب اقرا بقى مية وثمانية لا طقم فيه ابدا لمسجد اسس على التقوى من اول يوم احق ان تقوم فيه - 00:19:56

نهى الله النبي صلى الله عليه وسلم ان يذهب وان يصلى في هذا المسجد وقال له اي مسجد اسس على التقوى احق. يعني اولى بان انت تروح تقوم فيه. تصلي فيه - 00:20:21

فيه رجال يحبون ان يتظهروا. والله يحب المطهرين. هنا طبعا المقصود به مسجد قباء مش ده؟ مم. عن انس ابن مالك ان الاية دي لها نزلت فيه رجال يحبون ان يتظهروا. والله يحب المطهرين. فالنبي سأل الانصار اللي ساكنين في المنطقة دي هناك. يا عشر الانصار ان الله قد - 00:20:38

اثنى عليكم في الطهور هو ايه الحكاية؟ ليه ربنا قال فيه رجال يحبون ان يتظهروا. والله يحب المطهرين. قالوا نتوضا للصلاة

ونغسل من الجنابة ونستنجي بالماء قال هو ذلك فعليكموه - 00:21:00

الحاديis ده انا شايفه عجيب جدا الحقيقة. جدا اولا الحديد ده في اخر حياة النبي. يعني اخر سنة بعد النزول خلاص سورة التوبة خلاص بعد ما رجع من تبوك وبعدها بسنة مات - 00:21:23

والانصار قالوا ايه جديد لما قال لهم كده يا معشر الانصار ان الله قد اتنى عليكم في الظهور. ليه ربنا زكركم فيه رجال يحبون ان يتظاهروا والله يحب المطهرين. ما قالوش حاجة جديدة يعني. قالوا نتوضاً للصلة ونغسل من الجنابة - 00:21:36

نجيب الماء ايه الجديدة ولا حاجة نتوضاً للصلة نغسل من الجنابة عادي نستنجي بالماء عادي حاجة طبيعية جدا لكن دي طريقة في التعليم. الفترة دي جمال بقى سورة التوبة ان احنا عارفين بالزيت نزلت امته ووضع المسلمين كان ايه؟ بعد غزوة تبوك - 00:21:55

يسى العام ده عام الوفود. ليه؟ النبي عليه الصلة والسلام راح وقعد في تبوك آآ يعني حوالي عشرة خمسة اشهر يوم وراح راجع ما حصلش قتال اه ولكن في انجازات تمت. مجرد ان الروم - 00:22:25

هربوا وما قابلوهش وما حصلش قتال. وما طلعوا لوش عشان يواجهوه. وكمان عمل صلح مع اهل ايلة. وخدوا منهم والجزية اللي هم النصارى بتوع ايلة اللي هي ايلات. النهاردة اللي هي ام الرشاش الفلسطينية اللي على رأس خليج العقبة. وآآ سيدنا خالد بن الوليد طلع - 00:22:41

ربععميت واحد واسر ملك دومة الجندي وبعد كده النبي سابه وتركه وخد منهم الجزية واصبحوا تابعين للدولة الاسلامية. يعني تحققوا انجازات. فالعرب شافوا المنذر ده اقبلوا على دين الله افواجا. خلاص كده بقى يعني استتب الامر لمحمد تماما وبقى جيشه بيطلع تلاتين الف راجل طلع يحارب اقوى دولة في العالم اللي هي - 00:23:01

آآ امريكا بتاع الوقت ده اللي هي آآ الروم وكمان هربوا ما قبلوهش. وكمان راجع بعد ما وسع حدود الدولة واحد الجزية من القبائل النصرانية اللي هناك. لأ بقى مش بس كده. عايز اقول لكم انه اهل الطائف اللي هي ثقيف ما كنتش لسة اسلمت. صحيح فتحت الطائف بعد حنين - 00:23:25

ولكن اهل سقيف كانوا لسة عمالين يجادلوا. وعمالين يتفاوضوا. طب سب لنا الزنا. طب سب لنا الربا. طب سب لنا الربة بتاعتنا اللي اسمها كل اللي عمالين يفاوضوا يفاوضوا - 00:23:49

جم واعلنوا اسلامهم خلاص اذا احنا في فترة فيها دخول الناس في الاسلام افواجا كل يوم عندنا مئات واحيانا الاف يدخلوا الاسلام. الناس دي محتاجة ايه تتعلم من طرق التعليم طريقة السؤال والجواب فالناس فالنبي سأل الانصار قال لهم يا معشر الانصار - 00:24:02

ربنا اتنى عليكم في القرآن بالزات في موضوع الظهور. هو انت بتعملوا ايه؟ فقالوا بنعمل كذا وكذا اللي هو الطبيعي. اللي هو كل المسلمين عارفيه. بس المسلمين القدام هنا وكأنه درس للمسلمين الجدد اللي لسه بينطقو بالشهادتين. عارفين انتم الناس اللي كانت بتسلم في قطر ديا في المونديال وبتاع ما هم محتاجين يتعلموا - 00:24:24

هنعمل ايه؟ بنتووضي يعني ايه نتوضاً يعني نغسل بالجنابة ياما طب ومش فلازم يتعلموا. فيعلمهم بطريقه السؤال والاجابة تمام؟ طيب والله يحب المتطهرين الطهارة تجلب حب الله والله يحب المطهرين - 00:24:43

يبقى يا جماعة يا اللي بتدخلوا الاسلام دلوقتي لازم تتغيروا وتغيروا عدكم وتصبح من المتطهرين لكن الصيغة بتاعة الكلام عامة طهارة داخلية وخارجية. لا يكفي ان الانسان يتظاهر داخليا من الشرك ومن الكفر. خلاص احنا فاهمين الكلام دوت. ايضا - 00:25:06 خارجيا جسمه يتظاهر من النجاسة والجنابة ويكون على وضوء وفي يبقى عندنا بقى كمان الاحكام اللي هي سنن الفطرة آآ قص الاظافر ومش عارف آآ آآ نتف الابط الحاجات دي كلها بقى. طيب - 00:25:28

فلازم النضافة موسم يكون نضيف ببرق استكمالا للكلام بقى. اللي هو لمسجد اسس على التقوى من اول يوم احق ان تقوم فيه. ربنا قال في اية مية وتسعة ايه بقى - 00:25:48

افمن اسس بنيانه على تقوى من الله ورضوان. خير ام من اسس بنيانه على جرف هار فانهار به. في نار جهنم. والله لا يهدي القوم
الظالمين يعني بقى اللي يؤسس بنيان المسجد بتاعه على اساس التقوى ورضا الله احسن - 00:26:05

خير ام ولیهم آآ اللي بيؤسس بنيان المسجد بتاعه على شفا شفا اللي هي الشفة كلمة شفا يعني الحرف اللي تحتيه فاضي عشان
كده الشفاه دي تسمى شفاه لأنها تحتها عاملة كده ها وتحطها فاضي مش مسنودة على حاجة ما تحط - 00:26:30

شفتك تنزل كده. ما فيش آآ عضم تحتها يمسكها يعني. هم. حاجة كده اسمها الشفة شفاه تحتها فاضي لما تدوس عليها تنزل كده.
طيب على شفا جرف هار. الحرف يعني الحرف. الحرف ده عبارة عن شفة ما فيش حاجة تحتها - 00:26:54

يعني نهري خلاص لو حد حط رجله عليه هينهار. هينهار بصوا فيه حاجة اسمها آآ لاند كروجين يعني ايه آآ بالعربي نحر الماء. نحر
مش نهر. نحر الماء. الماء بينحر. الماء بيذبح الشاطئ - 00:27:14

في عمل شكل بص انا جبت لكم صورة لايه للانكوروجين او اللي هو نحر الماء اهي بصوا شايفين المنزد ده المایة بتتحرر فيبيقى فيه
عندك شفة طالعة تحتها ما فيش حاجة. المایة آآ نحنة - 00:27:34

تحتتها ماشي؟ لو حد حط رجله عليها تقوم نازلة. لأن ما فيش حاجة تحتها شايلها. على شفا جرف هار. بصوا بصوا اهو المایة قدرت
توصل بقت البيوت خلاص هتقع خلاص يعني هم ما بنوش البيوت كده لأ البيوت كانت مبنية بس المایة عمالة تنحر تدبح في
الشاطئ. تدبح فيه لغاية ما وصل المایة خلاص - 00:27:50

تدبح وبتنحر تحت البيوت فلو تخيل بقى واحد رايج بيبني بيته على الشفة دي. ده ما بيفهمش اهو ربنا بيقول لك ايه افمن اسس
بنيانه على تقوى من الله ورضوان - 00:28:15

نشوف الاية فين افمن اسس بنيانه وبنيان المسجد بتاعه على تقوى من الله ورضوان خير ام من اسس بنيانه وشبه اللي المسجد
بدون اخلاق بنفاق زي اللي يؤسس بنيان بيبني مبني على شفا جرف هار. هينهار بس - 00:28:36

مش هينهار في المایة لأ فانهار به في نار جهنم. بص نقلك الاية نقلتك فين لانه بيبني مسجد هو لو حمار هيبني مبني فيلا او شاليه
على ارض هتقع به - 00:29:08

هو راحش بص شف الارض دية تحتها فيه اساسات ولا ولا لأ حلو اويء. لكن هو لو منافق بيبني المسجد بتاعه بدون اخلاق حينهار
في نار جهنم. المسألة آآ استعارة تمثيلية - 00:29:24

والله لا يهدي القوم الظالمين تمام كده؟ شوفوا التصوير. تصوير من اروع ما يمكن. ها اللي بيبني مسجد بهذه النية للتفريق بين
المسلمين يبقى بيبني بنيان ما قلش مسجد بقى - 00:29:40

ما قالش مسجد قال لك امن اسس بنيانه وما قالش مسجده خلاص. ما هوش مسجد اصلا. حتى لو عمل له ميت مئذنة وميت قبة
برضو ده مش مسجد. الله اللي بيبني مسجد بالنية دية ها كانه بنى مبني على طرف جرف هار هينهار به بس في جهنم. فشوف -
00:29:56

التصوير الخطير اللي في الاية بنتكلم عن اشياء معنوية زي التقوى. ورضا الله ها سوء موجود او مش موجود بيسبر ايه وراح عامل
لك تصوير بشيء محسوس. تتصور مبني بيقع نتيجة ان ما فيش اساسات تحتيه وما فيش دعاية - 00:30:18

ما فيش ارض اصلا تحتيه مبني بيتبني في الهوا فيبيقى مش في البحر هيقع لأ هيقع في نار جهنم يقوم التصوير نقلك تاني على
الآخرة. شيء يعني انا بتوقف عند الكلام ده ويبقى يعني - 00:30:36

بحاول اتخيله واتصوره بقى يعني سعيد جدا الحقيقة. والله لا يهدي القوم الظالمين ربنا لا يهدي امثال هؤلاء الظالمين يعني يعني لا
يزالوا خلي بالك هم ظالمين لمين؟ ظالمين لانفسهم ولامة الاسلام وللناس اللي بيفرقوا بينهم - 00:30:51

خلي بالك مش مش المسجد بتاعهمدوا اتحرق والرسول عليه الصلاة والسلام آآ هدمه لا يزال بنيانهم اقرأ معايا الاية مية وعشرة لا
يزال بنيانهم الذي بنوا ريبة في قلوبهم الا ان تقطع قلوبهم - 00:31:15

والله عليم حكيم. بعد ازالة هذا المبني خلي بالك قال لك بنيانهم ما قالش مسجدهم ده مش مسجد ده مبني بعد ازالة هذا المسجد

الضرار ده سيظل موجود في قلبهم - 00:31:37

التعبير عن النفاق لا يزال بنائهم الذي بنوا موجود بـس في قلبهم ريبة هيقى سبب للاضطراب والخوف والوجل والشك في قلوبهم قالوا ان النبي هدم مسجدهم حسدا وحقدا. خايف ان المسجد بتاعنا يجذب الانزار ويأخذ الجمهور منه. تخيلوا - 00:31:54

لا يزال بنائهم الذي بنوا ريبة في قلوبهم الا ان تقطع قلوبهم. سيظل سبب للريبة في قلوبهم لغاية في يوم القيمة لما قلوبهم تتقطع من الحسرة لما يدركوا انهم خاسرين والله عليم حكيم - 00:32:18

والله بعلمه وحكمته جعل هذا البنيان هو سبب الحسرة عليهم. سورة التوبة مهتمة جدا بمسألة النية يا جماعة تلاتين الف خرجوا في غزوة من اهم الغزوات. وما حصلش فيها قتال اصلا - 00:32:37

ومع ذلك بنعتبرها من اهم الغزوات لأنها بتكتشف النوايا ناس خرجت مع الرسول عليه الصلاة والسلام بنية القتال وخرجوا يجاهدون بأنفسهم واموال واموالهم. يعني خرجنوا يضحون بها. وناس خرجنوا نفاقا - 00:32:54

وهم راجعين حاولوا يقتلوا النبي كمان. عليه الصلاة والسلام وناس قعدت في المدينة ولم تخرج نفaca وقدموا اعزاز كازبة. وناس قعدت في المدينة بـس بتبكي لأنها لم تستطع الخروج بسبب عدم وجود المال. خل بالك بقى مين احسن؟ - 00:33:12

اللي خرج مع النبي نفaca ولا اللي قعد في المدينة بيكي لأنه مش قادر يخرج. يبقى العمل نفسه مش مهم. المهم النية فهمتوا اقصد ايه في في ناس خرجنوا تخش النار بخروجها ده - 00:33:32

وفيه ناس قعدت وتحتشن الجنة بقعادها ده. لأنها كانت ت يريد أنها تخرج ناس تنفق حفنة تمر لأن ده كل اللي تملكه تدخل به الجنة وناس تبني مسجد يعني بيتكلفوا مسلا مليون جنيه بالمبلغ بتاع النهاردة او اتنين ثلاثة اربعة مليون جنيه. ماشي؟ يدخلوا بسبب النار - 00:33:46

عملوا مسجد هيخشوا النار بسببيه واللي هتطلع شوية تمر هيخش الجنة بهم اذا الصورة بتربى على اصلاح النية واحنا في اواخر حلقات حظر التجول لازم احنا كمان بقى نتبر ونراجع نفسنا - 00:34:06

احنا ميتنا في هذا العمل اللي عملناه كانت ايه؟ تلات سنين الا ربع دلوقت ارضاء الله ولا المنزرة؟ لو ارضاء الله يبقى احنا عارفين ان الله سبحانه وتعالى يرضيه تدبر كتابه كل يوم - 00:34:25

يبقى بعد انتهاء سورة التوبة وختم القرآن تدبرا بعد ست ايام من النهاردة ان شاء الله هيقى في الحلقة تلاتة وتلاتين ان شاء الله. من سورة التوبة تبقى المقطع الف وعشرة. ان شاء الله. كل واحد فينا هيبدأ رحلته - 00:34:41

شخصية مع كتاب الله ده مش ختام علاقتنا بالقرآن دي بداية حقيقة لعلاقتنا بالقرآن. لأن لو نيتك فعلًا ارضاء الله لن تتوقف لو نيتك شيء اخر ستتوقف اللهم انا نسائلك حبك وحب من يحبك وحب كل عمل يقربنا الى حبك. اللهم ما رزقنا ما نحب فاجعله قوة لنا - 00:34:56

فيما تحب وما زويت عنا مما نحب فاجعله فراغا لنا فيما تحب. اللهم اجعل حبك احب اليها من اهلينا واموالنا ومن الماء البارد على الظباء. اللهم حبنا اليك والى ملائكتك وانبائك ورسلك وعبادك الصالحين - 00:35:23

واعجلنا من يحبك ويحب ملائكتك وانبائك ورسلك وعبادك الصالحين. اللهم احيي قلوبنا بحبك واجعلنا لك كما تحب. اللهم اجعلنا نحبك بكل قلوبنا ونرضى بك بكل احساسنا اللهم اجعل حبنا كله لك وسعينا كله في مرضاتك - 00:35:43

الله اجعل القرآن الكريم ربوع قلوبنا ونور صدورنا وجلاء احزاننا وذهب همومنا وغمومنا ومغفرة ذنبينا اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون فبحق - 00:36:08

في كل حرف في كتابك تلوناه او تدبرناه اكفنا واهلينا واخواننا واحواتنا شر كل من يكيد لنا ولهم. واحفظنا واياهم من ونجعلك اللهم في نحورهم فانت الوكيل ولا حول ولا قوة الا بك - 00:36:35

الله بحق كل حرف في كتابك تلوناه او تدبرناه ايد بنصرك المرابطين في الارض المباركة فلسطين. اللهم سدد رميهم وخيب رمي

عدوهم واتقبل شهداءهم وانصرهم في جهادهم وكن مع اخواننا في تركستان الشرقية - [00:36:53](#)

وفي الشام وفي كشمير وفي الهند وانصر من نصرهم واخذل من خذلهم وظهر المسجد الاقصى من الدنس فانهم لا يعجزونك.
واكتب لنا يا ربنا ختم القرآن فيه اللهم انك تعلم ان هذه القلوب قد اجتمعت على كتابك وعلى محبتك. والثقت يا ربنا على طاعتك

[00:37:09](#)

وتوحدت على دعوتك وتعاهدت على نصرة شريعتك. فوثق اللهم رابطتها وادم ودها واهدها سبلاها واملأها بنورك الذي لا يخبو واشرح صدورها بفيض الایمان بك وجميل التوكل عليك. واحييها يا ربنا بمعرفتك. وامت يا مولانا على الشهادة في سبيلك. انك - [00:37:32](#) -
المولى ونعم النصير. وصل اللهم وسلم على محمد وعلى الله وصحبه ومن تبع هداه. والسلام عليكم ورحمة الله. وزراكم غدا باذن الله
في نفس هذا الموعد - [00:37:52](#)